



Broj: 01/14-02-2404/24-1
Sarajevo, 27.11.2024.g.

Primljeno: U 5 -12- 2024			
Org. jed.	Broj	Priloga	Vrijednost

PREDSTAVNIČKOM DOMU PARLAMENTA FEDERACIJE BiH

Dana 27.11.2024. godine održana je 24. sjednica Odbora za ekonomsku i finansijsku politiku Predstavničkog doma Parlamenta Federacije BiH (u daljem tekstu: Odbor). Sjednici Odbora prisustvovao je dovoljan broj članova Odbora, tako da su ispunjeni uslovi za punovažan rad u pogledu kvoruma i odlučivanja.

Na sjednici je predložen i jednoglasno usvojen sljedeći

DNEVNI RED

1. Prijedlog Zakona o izmjeni Zakona o izmirenju obaveza po osnovu računa stare devizne štednje u Federaciji BiH – skraćeni postupak,
2. Prijedlog Zakona o dopuni Zakona o porezu na dohodak – skraćeni postupak,
3. Nacrt Zakona o fiskalizaciji transakcija u Federaciji BiH,
4. Prijedlog Odluke o prihvatanju zaduženja po Sporazumu o zajmu između Bosne i Hercegovine i Međunarodne banke za obnovu i razvoj za realizaciju Projekta geoprostorne infrastrukture i procjene vrijednosti nekretnina,
5. Strategija razvoja male privrede Federacije BiH za period 2022.- 2027. godina,
6. Izvještaj o odobravanju izdvajanja sredstava iz "Tekuća rezerva" Vlade FBiH Budžeta FBiH za 2023. godinu za period 01.01. do 31.12. 2023. godine,
7. Zahtjev za potpunu informaciju o stanju saobraćajne infrastrukture u Federaciji BiH s posebnim fokusom na Tuzlanski kanton,
8. Molba za razmatranje Zahtjeva Kazneno – popravnog zavoda poluotvorenog tipa u Tuzli za odobrenje dodatnih finansijskih sredstava u Budžetu za 2025. godinu,
9. Predstavka Udruženja za zaštitu žiranata u BiH,
10. Informacija u vezi sazivanja Tematske sjednice Predstavničkog doma na temu: "Izazovi i potencijali tržišta vrijednosnim papirima u Federaciji BiH",
11. Informacija u vezi saradnje sa UNFPA BiH,
12. Zahtjev Saveza općina i gradova FBiH i načelnika općine Pale Prača FBiH i
13. Tekuća pitanja.

Na osnovu člana 44. a u vezi sa članom 69. Poslovnika Predstavničkog doma Parlamenta Federacije BiH, Odbor podnosi sljedeći:



IZVJEŠTAJ

Ad-1

Prijedlog Zakona o izmjeni Zakona o izmirenju obaveza po osnovu računa stare devizne štednje u Federaciji BiH – skraćeni postupak

Uvodno izlaganje dao je predstavnik Federalnog ministarstva finansija, nakon čega je Odbor obavio diskusiju i pristupio glasanju, te jednoglasno donio sljedeći

Zaključak

Odbor podržava Prijedlog Zakona o izmjeni Zakona o izmirenju obaveza po osnovu računa stare devizne štednje u Federaciji BiH po skraćenom postupku i predlaže da ide u daljnju parlamentarnu proceduru.

Ad-2

Prijedlog Zakona o dopuni Zakona o porezu na dohodak – skraćeni postupak

Uvodno izlaganje dala je predstavnica Federalnog ministarstva finansija, nakon čega je Odbor obavio diskusiju i pristupio glasanju, te sa 5 glasova ZA i 2 SUZDRŽANA glasa ovaj Prijedlog Zakona o dopuni Zakona o porezu na dohodak po skraćenom postupku nije dobio podršku da ide u daljnju parlamentarnu proceduru.

Ad-3

Nacrt Zakona o fiskalizaciji transakcija u Federaciji BiH

Nakon uvodnog izlaganja predstavnice Federalnog ministarstva finansija, Odbor je obavio diskusiju i jednoglasno donio sljedeći

Zaključak

Odbor podržava Nacrt Zakona o fiskalizaciji transakcija u Federaciji BiH i predlaže da ide u daljnju parlamentarnu proceduru.

Ad-4

Prijedlog Odluke o prihvatanju zaduženja po Sporazumu o zajmu između Bosne i Hercegovine i Međunarodne banke za obnovu i razvoj za realizaciju Projekta geoprostorne infrastrukture i procjene vrijednosti nekretnina

Predstavnik Federalnog ministarstva finansija je upoznao Odbor sa dostavljenim Prijedlogom Odluke nakon čega je Odbor obavio diskusiju i jednoglasno donio sljedeći



Zaključak

Odbor podržava Prijedlog Odluke o prihvatanju zaduženja po Sporazumu o zajmu između Bosne i Hercegovine i Međunarodne banke za obnovu i razvoj za realizaciju Projekta geoprostorne infrastrukture i procjene vrijednosti nekretnina.

Ad-5

Strategija razvoja male privrede Federacije BiH za period 2022.-2027. godina

Uvodno izlaganje dao je predstavnik Federalnog ministarstva razvoja, poduzetništva i obrta, nakon čega je Odbor obavio diskusiju i jednoglasno donio sljedeći

Zaključak

Odbor podržava Strategiju razvoja male privrede Federacije BiH za period 2022.-2027. godina i predlaže da ide u daljnju parlamentarnu proceduru.

Ad – 6

Izveštaj o odobravanju izdvajanja sredstava iz "Tekuća rezerva" Vlade FBiH Budžeta FBiH za 2023. godinu za period 01.01. do 31.12.2023. godine

Nakon uvodnog izlaganja predstavnice Federalnog ministarstva finansija, Odbor je pristupio glasanju i jednoglasno donio sljedeći

Zaključak

Odbor je razmotrio i prihvatio Izveštaj o odobravanju izdvajanja sredstava iz "Tekuća rezerva" Vlade FBiH Budžeta FBiH za 2023. godinu za period 01.01. do 31.12.2023. godine i predlaže da ide u daljnju parlamentarnu proceduru.

Ad – 7

Zahtjev za potpunu informaciju o stanju saobraćajne infrastrukture u Federaciji BiH s posebnim fokusom na Tuzlanski kanton

Uvodno izlaganje dali su predstavnici Federalnog ministarstva prometa i komunikacija kao i direktor JP Ceste Federacije BiH i veoma detaljno upoznali Odbor sa ovom informacijom. Odbor je obavio diskusiju tokom koje su pojedini članovi Odbora iznijeli svoje primjedbe, prijedloge i sugestije, te na koncu jednoglasno usvojili sljedeće zaključke:



1. Odbor prihvata dostavljenu Informaciju o stanju saobraćajne infrastrukture u Federaciji BiH s posebnim fokusom na Tuzlanski kanton.
2. Odbor u potpunosti podržava Zahtjev dostavljen od predstavnika Federalnog ministarstva prometa i komunikacija i JP Ceste Federacije BiH.
3. Odbor podržava prijedlog za povećanje budžetskih transfera cestama i autocestama Federacije BiH.
4. Odbor će u skorijoj budućnosti organizirati Tematsku sjednicu o ovoj temi zajedno sa Federalnim ministarstvom prometa i komunikacija i Udruženjem "Tuzlanski akademski klub" Tuzla.

Ad-8

Molba za razmatranje Zahtjeva Kazneno – popravnog zavoda poluotvorenog tipa u Tuzli za odobrenje dodatnih finansijskih sredstava u Budžetu za 2025. godinu

Na sjednici Odbora nije bilo ovlaštenog predstavnika Kazneno-popravnog zavoda poluotvorenog tipa u Tuzli, tako da je Odbor zauzeo stav da će dostavljenu Molbu razmotriti kada na sjednici Odbora bude prisutan ovlašteni predstavnik Kazneno-popravnog zavoda poluotvorenog tipa u Tuzli, a koji su i podnijeli Molbu za odobrenje dodatnih finansijskih sredstava u Budžetu za 2025. godinu.

Ad – 9

Predstavka Udruženja za zaštitu žiranata u BiH

Na sjednici Odbora nije bilo ovlaštenog predstavnika Udruženja za zaštitu žiranata u BiH, tako da je Odbor zauzeo stav da će dostavljenu Predstavku razmotriti kada na sjednici Odbora bude prisutan ovlašteni predstavnik Udruženja za zaštitu žiranata u BiH, a koji su i podnijeli Predstavku u parlamentarnu proceduru.

Ad-10

Informacija u vezi sazivanja Tematske sjednice Predstavničkog doma na temu: "Izazovi i potencijali tržišta vrijednosnim papirima u Federaciji BiH"

Predsjednik Odbora je upoznao prisutne članove Odbora šta se sve do sada uradilo po ovom pitanju ispred Odbora koji je i zadužen da bude nosilac ove aktivnosti.

Usljedila je diskusija tokom koje su pojedini članovi Odbora iznijeli svoje prijedloge, primjedbe i sugestije, te jednoglasno donijeli sljedeći

Zaključak

Odbor će uputiti Urgenciju prema Vladi Federacije BiH da blagovremeno dostavi traženi materijal koji je potreban i neophodan kako bi se organizirala i realizirala



Tematska sjednica na temu: "Izazovi i potencijali tržišta vrijednosnim papirima u Federaciji BiH" i da će Odbor organizirati sjednicu najkasnije do kraja februara 2025. godine u saradnji sa Odborom za ekonomsku i razvojnu politiku, finansije i budžet Doma naroda Parlamenta Federacije BiH.

Ad – 11

Informacija u vezi saradnje sa UNFPA BiH

Uvodno izlaganje dala je predstavnica Populacijskog fonda Ujedinjenih nacija u Bosni i Hercegovini (UNFPA BiH) Azra Dizdar i veoma detaljno upoznala Odbor u vezi saradnje koju planiraju ostvariti sa ovim Odborom na novom projektu, a posebno je bitna podrška i saradnja na tematskoj sjednici koja će biti posvećena ekonomskom osnaživanju žena, a koja će se realizirati 9. decembra 2024. godine u Parlamentu Federacije BiH u saradnji sa Federalnim ministarstvom rada i socijalne politike kao i drugim značajnim radnim tijelima koja se bave ovom tematikom.

Nakon uvodnog izlaganja, Odbor je jednoglasno donio sljedeće zaključke:

1. Odbor za ekonomsku i finansijsku politiku će dati punu podršku i aktivnu saradnju Populacijskom fondu Ujedinjenih nacija u Bosni i Hercegovini (UNFPA BiH) i
2. Odbor će uzeti aktivno učešće na tematskoj sjednici 9. decembra 2024. godine na temu ekonomskog osnaživanja žena na kojoj će izvjestilac ispred Odbora biti Kadrija Hodžić, član Odbora.

Ad-12

Zahtjev Saveza općina i gradova FBiH i načelnika općine Pale Prača u FBiH

Uvodno izlaganje dao je načelnik općine Pale Prača u Federaciji BiH gosp. Almin Ćutuk kao i predstavnik Saveza općina i gradova FBiH i upoznali Odbor sa problemima sa kojima se susreće ova općina u svom radu kada je u pitanju finansiranje same općine i njena održivost. Načelnik je iznio problem nedostajanja finansijskih sredstava i isplate plata i doprinosa za uposlene u ovoj općini, a trenutno nedostaje 280.000 KM i ovaj problem nedostajanja finansijskih sredstava bi se mogao riješiti Rebalansom Budžeta za 2024. godinu.

Nakon uvodnih izlaganja, Odbor je obavio diskusiju i jednoglasno donio sljedeće zaključke:

1. Odbor podržava Zahtjev načelnika općine Pale Prača u Federaciji BiH za rješavanje problema koji se odnosi na nedostajanje finansijskih sredstava potrebnih za njen dalji opstanak.
2. Odbor traži da se u rješavanje ove problematike uključi Vlada BPK i Vlada FBiH kako bi se donijelo dugoročno rješenje u vezi ove problematike posebno u pravcu izmjena Zakona o pripadnosti javnih prihoda u Federaciji BiH i



3. Zadužuje se načelnik općine Pale Prača da na Odbor dostavi detaljnu specifikaciju obaveza općine Pale Prača sa detaljnim obrazloženjem potrebnih 280.000 KM za rješavanje finansijskih problema.
4. Zadužuje se Savez općina i gradova Federacije BiH da dostavi Prijedlog izmjena Zakona o pripadnosti javnih prihoda u Federaciji BiH i Nacrt Zakona o mikro općinama u Federaciji BiH.

Ad – 13

Tekuća pitanja

U okviru ove tačke dnevnog reda Slaven Raguž – član Odbora je ponovno iznio pitanje u vezi razmatranja izvještaja svih Javnih preduzeća u kojima Federacija ima udio u vlasništvu, a za koje su bili zaduženi Vlada Federacije BiH i rukovodstvo Predstavničkog doma Parlamenta Federacije BiH da u roku od 90 dana (počevši od 27.05. 2024. godine) definiraju obavezu godišnjeg razmatranja izvještaja svih Javnih preduzeća u kojima Federacija ima udio u vlasništvu i ništa se nije desilo po ovom pitanju do danas.

Nakon ovog izlaganja, Odbor je jednoglasno donio sljedeći:

Zaključak

Odbor će ponoviti Urgenciju prema Vladi Federacije BiH i rukovodstvu Predstavničkog doma Parlamenta Federacije BiH da se pristupi realizaciji usvojenog Zaključka Odbora od dana 27.05. 2024. godine.

Za izvjestioca Odbora na sjednici Predstavničkog doma Parlamenta Federacije BiH, koji će razmatrati ove materijale, određen je Admir Čavalić, predsjednik Odbora za ekonomsku i finansijsku politiku.

PREDSJEDNIK ODBORA

Admir Čavalić